

**REGIONAL NEWS UNIT
ALL INDIA RADIO, AGARTALA
Date: 06-12-2025
Time: 07:55-08:05 PM Hrs
BENGALI EVENING BULLETIN**

Headlines :

- (১) ভারতরত্ন ডঃ বি আর আম্বেদকরের প্রয়ান দিবস আজ সারা দেশের সঙ্গে রাজ্বেও যথাযথ মর্যাদায় উদযাপিত ।
- (২) মুখ্যমন্ত্রী অধ্যাপক ডা: মানিক সাহা বলেছেন, আর্ত মানুষদের সেবায় অসামরিক প্রতিরক্ষা এবং গৃহরক্ষী স্বেচ্ছাসেবকদের অবদান অপরিসীমা।
- (৩) অসামরিক বিমান পরিবহন মন্ত্রক ইন্ডিগোকে যেসমস্ত যাত্রীদের উড়ান বাতিল হয়েছে, কোনরকম বিলম্ব না করে তাদের বিমান ভাড়ার অর্থ পরিশোধ করার নির্দেশ দিয়েছে।
- (৪) ত্রিপুরা ফুটবল এসোসিয়েশন পরিচালিত মহিলাদের ঘরোয়া নকআউট ফুটবল প্রতিযোগিতার দ্বিতীয় ম্যাচে জয় পেলে ত্রিপুরা স্পোর্টস স্কুল।

Dr. B R Ambedkar-National :

ভারতীয় সংবিধানের স্থপতি ডঃ বি আর আম্বেদকরের ৭০তম মহাপরিনির্বাণ দিবসে আজ নতুনদিল্লির সংসদ ভবনে রাষ্ট্রপতি দ্রৌপদী মুরমু, উপরাষ্ট্রপতি সিপি রাধাকৃষ্ণণ, প্রধানমন্ত্রী নরেন্দ্র মোদী, লোকসভার অধ্যক্ষ ওম বিড়লা এবং অন্যান্য বিশিষ্ট ব্যক্তির ডঃ বিআর আম্বেদকরের প্রতি শ্রদ্ধাঞ্জলি অর্পণ করেন।

প্রধানমন্ত্রী নরেন্দ্র মোদী সামাজিক মাধ্যমে বলেছেন যে বাবাসাহেবের দূরদর্শী নেতৃত্ব এবং ন্যায়বিচার, সাম্য এবং সাংবিধানিক মূল্যবোধের প্রতি অটল প্রতিশ্রুতি ভারতের জাতীয় যাত্রাকে পরিচালিত করে চলেছে।

প্রতিরক্ষা মন্ত্রী রাজনাথ সিং বাবাসাহেব আম্বেদকরের প্রতি শ্রদ্ধা জানিয়ে বলেন, তাঁর জীবন এবং চিন্তাভাবনা দেশবাসীর জন্ম অনুপ্রেরণা।

কেন্দ্রীয় মন্ত্রী অশ্বিনী বৈষ্ণো আজ নতুনদিল্লিতে মহাপরিনির্বাণ দিবসে ভারতরত্ন ডঃ বাবাসাহেব আম্বেদকরের প্রতি পুষ্পস্তবক অর্পণ করে শ্রদ্ধাঞ্জলি অর্পণ করেছেন।

কেন্দ্রীয় বাণিজ্য ও শিল্প মন্ত্রী পীযুষ গোয়েল আজ ডঃ ভীমরাও আম্বেদকরের উত্তরাধিকারের প্রতি শ্রদ্ধা জানিয়ে সকলের জন্য সাম্য, সামাজিক সম্প্রীতি এবং সুযোগের সাংবিধানিক মূল্যবোধের কথা পুনর্ব্যক্ত করেছেন।

Dr. B R Ambedkar-Governor :

ভারতরত্ন ডঃ বি আর আম্বেদকরের প্রয়ান দিবস আজ রাজ্যেও যথাযথ মর্যাদায় উদযাপন করা হয়। আজ সকালে আগরতলার উজ্জ্বল প্রাসাদ প্রাঙ্গণে রাজ্যপাল ইন্দ্রসেনা রেড্ডি নাল্লু আম্বেদকরের মূর্তিতে শ্রদ্ধার্ঘ্য নিবেদন করেন। অনুষ্ঠানে তিনি বলেন, সংবিধান প্রণেতা ডঃ বি আর আম্বেদকর সবার সমানাধিকারের উপর জোর দিয়েছিলেন।

#####Byte-Governor#####

অনুষ্ঠানে বক্তব্য রাখেন তপশিলি জাতি কল্যান মন্ত্রী সুখাংশু দাস, আগরতলা পুর মেয়র দীপক মজুমদার। উপস্থিত ছিলেন বিধায়ক মীনা রানী সরকার, পিনাকী দাস চৌধুরী, পশ্চিম জেলার জিলা সভাপতি বিশ্বজিৎ শীলা।

CM-Home Guard Day :

মুখ্যমন্ত্রী অধ্যাপক ডা: মানিক সাহা বলেছেন, আর্ন্ত মানুষদের সেবায় অসামরিক প্রতিরক্ষা এবং গৃহরক্ষী স্বেচ্ছাসেবকদের অবদান অপরিসীমা। আজ মনোরঞ্জন দেববর্মা পুলিশ প্যারেড গ্রাউন্ডে ৬৩তম সর্ব ভারতীয় অসামরিক প্রতিরক্ষা ও গৃহরক্ষী দিবস উদযাপন অনুষ্ঠানে তিনি একথা বলেন।

অসামৰিক প্ৰতিৰক্ষা, গৃহৰক্ষী বাহিনী ও আপদা মিত্ৰ স্বেচ্ছাসেবকদের শূভেচ্ছা ও অভিনন্দন জানিয়ে মুখ্যমন্ত্ৰী বলেন, বিপৰ্যয় এবং দুৰ্যোগ মোকাবেলায় অসামৰিক প্ৰতিৰক্ষা, গৃহৰক্ষী বাহিনী ও আপদা মিত্ৰ সদস্যগণ আৰ্ত্ত মানুষদের পাশে থাকার ফলে জনগণ যে ভৱসা পায় তা সেবার এক মহান দৃষ্টান্ত।

বৰ্ত্তমানে ত্ৰিপুরায় ৫ হাজাৰ জন প্ৰশিক্ষিত অসামৰিক প্ৰতিৰক্ষা স্বেচ্ছাসেবক রয়েছে। ৰাজ্য সরকার ৰাজ্যের জনসংখ্যার ১ শতাংশ সিভিল ডিফেন্স স্বেচ্ছাসেবক গঠনের লক্ষ্যমাত্ৰা নিয়েছে। ২০২৬ সালের মধ্যে আৰও ৩ হাজাৰ অসামৰিক প্ৰতিৰক্ষা স্বেচ্ছাসেবকদের প্ৰশিক্ষণ দেওয়ার উদ্যোগ নেওয়া হবে। মুখ্যমন্ত্ৰী আরো বলেন আপদা মিত্ৰে আৰও ১৬০০ জন স্বেচ্ছাসেবককে প্ৰশিক্ষণ দেওয়া হবে। বক্তব্য রাখেন মুখ্যসচিব জে কে সিনহা, ৰাজ্য পুলিশের ডিজিপি অনূৰাগ।

অনুষ্ঠানে এই দিবসটি উদযাপন উপলক্ষে ৰাজ্যপালের শূভেচ্ছা বার্তা পাঠ করেন অসামৰিক প্ৰতিৰক্ষা বিভাগের ডিৰেক্টর জে বি দোয়াতি। অনুষ্ঠানে দুৰ্যোগ মোকাবিলার উপৰ শপথ বাক্যও পাঠ করা হয়। অনুষ্ঠানে সড়ক দুৰ্ঘটনা প্ৰতিৰোধে, বাড়িঘরে গ্যাস সিলিন্ডার থেকে অগ্নি সংযোগ প্ৰতিৰোধের বিভিন্ন সচেতনতামূলক কাজগুলি প্ৰদৰ্শন করা হয়।

Dr. B R Ambedkar-Congress :

আগৰতলায় প্ৰদেশ কংগ্ৰেস ভৱন প্ৰাঙ্গনে আয়োজিত অনুষ্ঠানে ডঃ আম্বেদকরের প্ৰতিকৃতিতে পুষ্পস্তবক অৰ্পণ করেন প্ৰদেশ কংগ্ৰেস সভাপতি আশিস কুমার সাহা। তিনি বি আৰ আম্বেদকরের জীবনের বিভিন্ন দিক নিয়ে আলোচনা করেন।

Package Story-Vangmun Cleanest Village :

উত্তর ত্ৰিপুরার প্ৰাকৃতিক অহংকার জম্পুই পাহাড়। ৰাজ্যের পৰ্যটন মানচিত্ৰে অন্যতম আকৰ্ষণ এই পাহাড়ের যাবতীয় সুন্দরের মধ্যে ছবির

মতো উজ্জ্বল গ্রাম ভাঙমুন। এই গ্রামের সুখ্যাতির আজকের ছবিটা আঁকা শুরু হয়েছিল প্রায় সত্তর বছর আগে দূর অজানার কোন এক বিদেশিনীর কঠোর পরিশ্রমের আন্তরিকতায়। এনিয়ে একটি প্রতিবেদন।

#####VC#####

Update Akashvani :

এখবর শুনছেন, আকাশবাণী আগরতলা কেন্দ্র থেকে।

#####Sound Byte#####

আকাশবাণীর সংবাদের আপডেট পেতে লগ ইন করুন – ডব্লিউ. ডব্লিউ. ডব্লিউ ডট নিউজ অন এ আই আর ডট কম এবং নিউজ অন এ-আই-আর অ্যাপ, এবং ট্যুইটার ও ফেসবুক প্ল্যাটফর্মে-এ এ-আই-আর-নিউজ-এলার্টস-এ। ইউ-টিউব-এ লক্ষ্য করুন নিউজ-অন-এআইআর-অফিসিয়াল-এ।

এছাড়াও আকাশবাণী আগরতলার সংবাদ আপডেট পেতে দেখুন ট্যুইটার বা এক্স হ্যান্ডেলে আকাশবাণী নিউজ আগরতলা / ফেসবুকে এ-আই-আর নিউজ আগরতলা এবং ইউ টিউবে আকাশবাণী নিউজ আগরতলা।

INDIGO :

অসামরিক বিমান পরিবহন মন্ত্রক ইন্ডিগোকে যেসমস্ত যাত্রীদের উড়ান বাতিল হয়েছে, কোনরকম বিলম্ব না করে তাদের বিমান ভাড়ার অর্থ পরিশোধ করার নির্দেশ দিয়েছে। মন্ত্রক আগামীকাল রাত ৮টার মধ্যে বাতিল বা ব্যাহত সমস্ত উড়ানের যাত্রীদের অর্থ ফেরত প্রক্রিয়া সম্পূর্ণরূপে সম্পন্ন করার নির্দেশ দিয়েছে। বাতিল হওয়ার ফলে ভ্রমণ পরিকল্পনা প্রভাবিত হওয়া যাত্রীদের জন্য কোনও পুনর্নির্ধারণ শুল্ক না নেওয়ার জন্য বিমান সংস্থাকে নির্দেশ দেওয়া হয়েছে। মন্ত্রক স্পষ্ট

করে জানিয়েছে যে এই প্রক্রিয়ায় কোনও বিলম্ব বা অসম্মতি প্রকাশ করলে, সঙ্গে সঙ্গে ব্যবস্থা গ্রহণ করা হবে।

মন্ত্রক ইন্ডিগোকে আরও নির্দেশ দিয়েছে যাত্রীদের কাছ থেকে আলাদা করা সমস্ত লাগেজ পরবর্তী ৪৮ ঘন্টার মধ্যে যাত্রীর আবাস বা নির্ধারিত ঠিকানায় পৌঁছে দিতে হবে।

N.F. RAILWAY EXTRA COACHES :

বিমান পরিষেবা ব্যাহত হওয়ার পরিপ্রেক্ষিতে ভারতীয় রেল কর্তৃপক্ষ অতিরিক্ত যাত্রী ভীড় এড়াতে আগরতলা আনন্দ বিহার তেজস রাজধানী এক্সপ্রেস ট্রেনে অস্থায়ী ভিত্তিতে অতিরিক্ত কোচ দেবে। আগামী ৮ই ডিসেম্বর আগরতলা থেকে ২০৫০১ - আগরতলা-আনন্দবিহার এক্সপ্রেস এবং আগামী ১০ই ডিসেম্বর আনন্দ বিহার থেকে ২০৫০২ - আনন্দবিহার-আগরতলা তেজস রাজধানী এক্সপ্রেস ট্রেনে অতিরিক্ত একটি করে এ.সি থ্রি টায়ার কোচ জুড়বে। এন এফ রেলওয়ের পক্ষ থেকে আজ এই সংবাদ জানানো হয়েছে।

Pariksha Pe Charcha :

প্রধানমন্ত্রী নরেন্দ্র মোদীর অনন্য কর্মসূচি "পরীক্ষা পে চর্চা"র নবম পর্বের আগে MyGov পোর্টালে দেশব্যাপী একটি প্রতিযোগিতা চলছে। অনলাইন বহুনির্বাচনী-প্রশ্ন-ভিত্তিক প্রতিযোগিতাটি আগামী বছরের ১১ই জানুয়ারি পর্যন্ত খোলা থাকবে। ষষ্ঠ থেকে দ্বাদশ শ্রেণীর শিক্ষার্থীরা, শিক্ষক এবং অভিভাবকরা এই প্রতিযোগিতায় অংশ নিতে পারবেন। এই কার্যক্রম সম্পন্নকারী সকল নিবন্ধিত অংশগ্রহণকারী MyGov থেকে, একটি অংশগ্রহণের শংসাপত্র পাবেন। ২০২৬ সালের জানুয়ারিতে "পরীক্ষা পে চর্চা" অনুষ্ঠিত হওয়ার কথা।

EX CM-Sonamura :

ত্রিপুরা কৃষেতমজুর ইউনিয়নের দুদিনব্যাপী রাজ্য সম্মেলন আজ থেকে সোনামুড়া টাউন হলে শুরু হয়েছে। এ উপলক্ষে রবীন্দ্র চৌমুহনীতে আয়োজিত জনসভায় প্রধান বক্তা প্রাক্তন মুখ্যমন্ত্রী মানিক সরকার তাঁর বক্তব্যে রাজ্য ও কেন্দ্রীয় সরকারের সমালোচনা করেন। তিনি কৃষক থেকে শুরু করে সব অংশের শ্রমজীবী মানুষের অধিকার রক্ষার উপর গুরুত্ব আরোপ করেন। জনসভায় অন্যান্যদের মধ্যে ভাষণ দেন বিধায়ক শ্যামল চক্রবর্তী, প্রাক্তন মন্ত্রী ভানুলাল সাহা ও রতন ভৌমিক, কৃষেতমজুর ইউনিয়নের রাজ্য সম্পাদক শ্যামল দে প্রমুখ।

Nayi Chetna 4.0 Campaign :

চতুর্থ পর্যায়ে নতুন চেতনা অভিযানের অঙ্গ হিসাবে আজ পশ্চিম গনকী গ্রাম পঞ্চায়েতের কাঞ্চনমালা কমিউনিটি হলে এক সচেতনতামূলক আলোচনা সভা অনুষ্ঠিত হয়। উপস্থিত ছিলেন খোয়াই জিলা পরিষদের সভানেত্রী অপর্ণা সিংহ রায়, পুর পরিষদের চেয়ারপার্সন দেবশীষ নাথ শর্মা, টি-আর-এল-এমের ডিস্ট্রিক্ট কো-অর্ডিনেটর চাঁদনী গাঙ্গুলী প্রমুখ।

Saans :

শিশুদের মধ্যে নিউমোনিয়া প্রতিরোধে সচেতনতা বাড়াতে রাজ্যে চালু হল 'সানস' কর্মসূচি। আগরতলা পুর নিগমের মেয়র দীপক মজুমদার আজ ভাটি অভয়নগর প্রাথমিক স্বাস্থ্যকেন্দ্রে আয়োজিত অনুষ্ঠানে সানসের রাজ্য ও জেলাভিত্তিক কর্মসূচির উদ্‌বোধন করেন। তিনি বলেন, শিশুদের নিউমোনিয়ার মতো প্রাণঘাতী রোগ থেকে রক্ষা করতেই এই উদ্যোগ নেওয়া হয়েছে। 'সানস' কর্মসূচির মাধ্যমে শিশুস্বাস্থ্য সম্পর্কে মায়েদের সচেতন করা হবে। অনুষ্ঠানে উপস্থিত ছিলেন মেয়র ইন কাউন্সিলের

সদস্য হীরালাল দেবনাথ, পুর নিগমের উত্তর জ্যোনাালের চেয়ারম্যান
প্রদীপ চন্দ, মিশন ডিরেক্টর সাজু ওয়াহিদ।

Women's Football :

ত্রিপুরা ফুটবল এসোসিয়েশন পরিচালিত মহিলাদের ঘরোয়া নকআউট
ফুটবল প্রতিযোগিতার দ্বিতীয় ম্যাচে জয় পেলো ত্রিপুরা স্পোর্টস স্কুল।
আজ উমাকান্ত মিনি স্টেডিয়ামে অনুষ্ঠিত খেলায় ত্রিপুরা স্পোর্টস স্কুল
৩-০ গোলে ত্রিপুরা পুলিশ দলকে পরাজিত করে। এই জয়ের ফলে ত্রিপুরা
স্পোর্টস স্কুল আসরের ফাইনালে উঠেছে।

Weather :

ভারতীয় আবহাওয়া বিভাগ ত্রিপুরা সহ আসাম, মণিপুর, মিজোরাম,
নাগাল্যান্ডে আগামীকাল থেকে ১১ই ডিসেম্বর পর্যন্ত ঘন কুয়াশার
সতর্কতা জারি করেছে। এদিকে, আগরতলায় আবহাওয়া দপ্তর সূত্রে জানা
গেছে, আগামীকাল রাজ্যে দিনের সর্বোচ্চ তাপমাত্রা ২৮ ডিগ্রি সেলসিয়াস
এবং সর্বনিম্ন ১৩ ডিগ্রি সেলসিয়াসের কাছাকাছি থাকতে পারে। আজ
দিনের সর্বোচ্চ তাপমাত্রা ছিল ২৮.৩ ডিগ্রি সেলসিয়াস এবং সর্বনিম্ন
১২.৫ ডিগ্রি সেলসিয়াস।
